

EPISTRE.

semble dependre de ie ne si ay quelle instabilisé de fortune, laquelle comme dit Pindare, a tousiours quelque cas qui contraire au succéz de ceux qui sont nais avec les richesses: & lesquels si n'ont rien plus qui les rende respectables que ceste flaterie pipeuse de fortune, ie suis d'avis que & l'heur, & le respect, & la grandeur perdent tout ainsi leur establissement: comme leur fondement perd sa constance. Or scachant que, & vous, & les vostres, auez posé le plât de l'edifice de vostre vie sur une pierre plus seure, que celle qui depend de l'inconstance du temps, & fantasie des hommes, aussi ose-ie dire que le bastiment est pour en estre durable, & la memoire non perissable & eternelle, entant que c'est la vertu qui y a asis son premier dessein, & posé le modelle de l'œuvre, si gentimēt depuis compassé, qu'il n'y manque rien pour le dire parfait, & accompli de toutes ses pieces. Et si le temps & le subiet me le permettoyēt deduire, ie tascheroi, non d'y donner quelque attainte parfaite, mais au moins d'y faire tellement mon deuoir, & que ie serois satisfait en ce desir que i'ay de gratifier aux vostres, & vous assez assuree de celle mienne deuotion à vous faire seruice, conceuē en mon esprit dès le temps que i'ay cest honneur que de cognoistre Monsieur vostre filz le Comte de Rousillon, les traitz de la vertu naissante duquel me donnent un grand espoir de le voir un iour le filz digne du Seigneur de Tournon, & de celle Claude de Turaine, qui en un corps feminin porte une vertu si remarquable, que peu d'hommes la surpassent en magnanimité, & nul en desir de seruir Dieu, l'Eglise, le Roy, & la Patrie. Et tout ainsi que la vertu qui ne gist que en parolles, & n'est painte que en la brauade sans effait, est ombragée, sans auoir l'ame des couleurs, aussi ne suffit la volonté ez choses qui concernent la protection de son pays, ains y fault aiouster quelque cas de meilleur que les desseins, les propos, & les promesses. C'est aussi en quoy on voit la difference des bien-faisantz